

醫國正統正脈世五


醫國正統正脈世五


庫	文	閣	內
三	二	九	漢
函	九	三	書
架	冊	號	類

漢	書	門
一	二	九
二	七	四
三	一	二
二	〇	二
冊	架	函
類	號	冊

內	閣	文	庫
番	號	漢	12974
冊	數	32	(25)
函	號	801	58

四十四





醫方元戎

金匱黃耆建中湯

大建中湯

易簡杏子湯嗽

大補十全散勞

易簡胃風湯瀉

千里漿

荔芩湯

蜜酒

易老門冬飲子

治勞復麥門冬湯

海藏五飲湯

海藏大已寒丸

生地黄黃連湯風血


增損理中丸結

易簡參蘇飲熱發

萬病紫苑丸

理中湯加減例

平胃散加減例



八物定志丸

補

潔古天麻丸

中風

大效牡丹皮散

虛血

海藏大五補丸

清心丸

治熱

火府丹

瀉

調胃白朮澤瀉散

水鼓

四物六合諸方

海藏當歸丸

二陰痛

苦練丸

痲

喉閉不救方

拯濟換骨丹

三焦熱

三焦寒

發瘧諸藥附

蒸病五蒸湯

活人敗毒散

濕疫

三陽頭痛

發黃茵陳蒿加減例

掌中金

乾血氣

龍腦雞蘇丸

上焦熱

黃耆膏子

同上

地骨皮枳殼散

骨蒸

易簡芎歸湯

血多

三奇六神翹法

千金種子法

搐鼻香

子言今帶下

醫壘元戎

新安 吳中珩 校

傷寒不可汗不可下不可吐諸證

大發春宜吐夏宜汗秋宜下凡用藥汗及吐下湯劑皆中病即止

若少陽病脈微不可發汗亡陽故也宜附子湯

若陽已虛尺中弱濇者復不可下之宜小柴胡湯

若動氣在左在右在上在下並不可發汗宜柴

胡桂枝湯 若少陰病脈細沉數病在裏不可發

汗宜當歸四逆湯 若少陽病不可發汗宜小柴

胡湯 若咽中閉塞咽喉乾燥亡血衄家淋家瘡
家不可發汗已上六證並宜小柴胡湯 若下利
清穀不可發汗宜理中湯四逆湯之類 若四逆
厥及虛家皆不可吐厥者宜當歸四逆湯 虛宜
附子湯 有熱人宜黃耆人參建中湯 若少陰
膈上寒乾嘔不可吐宜小半夏加橘皮湯溫中丸
若咽中有動氣不可下咽中閉塞不可下宜烏
扇湯 若外實者不可下諸四逆厥者不可下虛
家亦然厥宜當歸四逆湯 虛者宜附子湯 有
熱宜黃耆人參建中湯 本虛攻其熱必歲宜小

柴胡湯 若脈浮而緊法當身疼痛宜以汗解假
令尺中遲者不可發汗榮氣不足血少故也宜小
柴胡湯 若脈濡而緊濡則衛氣弱緊則榮中寒
陽微衛中風發熱而惡寒榮緊衛氣冷微嘔心內
煩此不可汗宜小柴胡湯 若濡而弱不可發汗
宜小柴胡湯 若浮而大浮爲氣實大爲血虛小
便當赤而難脫中當虛今反小便利而大汗出法
應衛家微可與小建中湯 若反更實津液四射
榮竭血盡乾煩而不得眠此不可下宜與小柴胡
湯 若脈浮大應發汗宜柴胡桂枝湯 若脈浮

而緊者不可下而反下之爲大逆宜桂枝麻黃各半湯 若脈數不可下宜柴胡桂枝湯 若下之必煩利不止宜葛根黃芩黃連湯 若脈瀯弱浮數不可下宜小柴胡湯 若濡弱微瀯微則陽氣不足中風汗出而反躁煩瀯則無血脈而且寒不可下宜桂枝甘草牡蠣龍骨湯 若結胃脈浮大不可下下之卽死宜小陷胃湯 若陽病多者熱下之則硬宜小柴胡湯 若太陽發汗不徹轉屬陽明微汗出不惡寒若太陽證不罷不可下之下之爲逆宜桂枝麻黃湯 若太陽病有外證未解

不可下下之爲逆宜桂枝麻黃湯 若病發於陽而反下之熱入因作結胃病發於陰而反下之因作痞 結胃則有陷胃湯九三 痞則有瀉心湯五 若太陽與陽明合病喘而胃滿不可下宜麻黃杏子甘草石膏湯 若太陽與少陽合病心下硬頸項強而弦者不可下宜小柴胡湯 若病欲吐者不可下宜小半夏加橘皮湯 太陰腹痛吐食自利腹痛下之必胃下結硬 厥陰病渴氣上衝心中熱饑不欲食食則吐衄下之則利不止 若少陰病飲食入口則吐心中溫溫欲吐腹痛

能吐始得之手足。若脈弦遲者此胃中寒實不可下也宜溫中湯生薑汁半夏湯。若無陽陰強大便硬者下之必清穀腹滿宜用蜜煎導法。若傷寒五六日不結胃腹濡脈虛復厥者不可下此亡血也宜當歸四逆湯下之則死宜四逆加人參湯。若藏結無陽證不往來寒熱其人反靜舌上胎滑者不可攻也謂下也宜用小柴胡湯。若傷寒嘔多雖有陽明證不可攻之宜小柴胡湯。若陽明病身面色赤攻之必發熱宜調胃承氣湯。若色黃者小便不利也宜五苓散。若陽明病心下

硬滿者不可攻之宜生薑瀉心湯。半夏瀉心湯。

攻之利不止者死宜四逆湯。

不可汗下吐三法利害非輕前人多列經後大抵醫之失只在先藥藥之錯則變生若汗下不差則永無亡陽生黃畜血結胃痞氣及下痢洞泄脇熱痢瘕急勞等證生矣其如此故錄大禁忌於前使醫者當疾之初不犯也。

大陽證 桂枝一十四方麻黃五方在後保命集內

傷寒六經所感形證合用汗下吐和解等湯尤仲景活人雲岐子保命集載之詳者此不復重錄數書

中所無者并諸方對證加減今載于後

金匱黃耆建中湯治虛勞裏急諸不足宜此方主之

黃耆

桂枝

生薑

切各三兩

芍藥

六兩

炙甘草

二兩 膠飴

大棗

十二箇

右七味咬咀以水七升先煮六味取三升去滓內

膠飴令消溫服一升日三若嘔者加生薑 若腹

滿者去棗加茯苓四兩 若肺虛損不足痞氣加

半夏五兩

易簡建中加減法

若婦人血疼男子心腹疝痛并四肢拘急疼痛甚者

加遠志半兩 若或吐或瀉狀如霍亂五苓沙濕

寒賊風入腹拘急切痛加附子七錢半 若疝氣

發作當於附子建中湯煎時加蜜一匙頭許 若

男子婦人諸虛不足小腹急痛脇助腹脹 下虛

滿背煩悸面色痿黃唇口乾燥少力身重短氣

腰背強痛骨肉酸疼行動喘乏不能飲食或因勞

傷過度或因病後不復加黃耆一兩半 若婦人

一切血氣虛損及產後勞傷虛羸不足腹中疝痛

吸吸少氣小腹拘急痛引腰背時自汗出不思飲

食加當歸一兩名當歸建中湯產後半月每日三

服令人精壯

大建中湯治內虛裏急少氣手足厥逆少腹攣急或腹滿弦急不能食起即微汗出陰縮或腹中寒痛不堪勞苦唇口舌乾精自出或手足作寒作熱而煩苦酸痛不能當立此補中益氣

桂心二錢

芍藥

黃耆各二錢

甘草炙

當歸

人參各一錢

生薑兩

附子五分

半夏二錢

棗二枚

右咬咀水五盞煎至三盞七分分三服

易簡杏子湯治欬嗽不問外感風寒內傷生冷及虛

勞咯血痰飲停積悉皆治療

人參

半夏

茯苓

細辛減

乾薑減

甘草炙

官桂減

芍藥

五味子

右咬咀每服四錢水一盞半杏仁去皮尖剉五枚薑五片煎至六分去滓服

若感冒得之加麻黃等分 若脾胃素實者用鷓

殼去筋膜碎剉以醋淹炒等分加之每服加烏梅

一枚煎服其效尤驗嘔逆惡心者不可用此 若

久年欬嗽氣虛喘急去杏仁人參倍加麻黃添芍

藥如麻黃之數乾薑五味子各增一半名小青龍湯

大補十全散

參耆朮茯苓 芍地桂歸川 三五錢秤用

生薑棗水煎 婦人虛弱用 名美號十全

治男子婦人諸虛不足五勞七傷不進飲食久病
虛損時發潮熱氣攻骨疼拘急疼痛夜夢遺精面
色痿黃脚膝無力喘欬中滿脾腎氣弱五心煩悶
並皆治之

肉桂

芍藥

甘草

黃耆

當歸

川芎

人參

白朮

茯苓

熟地黃各等分

右為麤末每服二大錢水一盞生薑三片棗二枚
煎至七分不拘時候溫服桂芍藥甘草小建中湯
也黃耆與此三物即黃耆建中湯也人參茯苓白
朮甘草四君子湯也川芎芍藥當歸四物湯也以
其氣血俱衰陰陽並弱天得地之成數故名曰十
全散

易簡胃風湯治大人小兒風乘虛入客腸 胃水穀
不化泄瀉注下及腸胃濕毒下如豈汁或下瘀血

日夜無度

人參

茯苓

川芎

官桂

當歸

芍藥

白朮

各等分

右咬咀每服二錢水一大盞粟米百餘粒同煎七分去滓稍熱服空心小兒量力減之

若加熟地黃黃耆甘草等分足為十味名十補湯

若虛勞嗽加五味子 若有痰加半夏 若發

熱加柴胡 若有汗加牡蠣 若虛寒加附子

若寒甚加乾薑皆依本方等分 若骨蒸發熱飲

食自若者用十補湯加柴胡二兩服之 若氣短

加人參 若小便不利加茯苓 若脈弦瀉加川

芎 若惡寒加官桂 若脈瀉加當歸 若腹痛

加白芍藥 若胃熱濕盛加白朮 若血瘀色紫

者陳血也加熟地黃 若血鮮色紅者新血也加

生地黃 若寒熱者加柴胡 若肌熱者加地骨

皮 若脈洪實痛甚者加酒浸大黃

潔古云防風為上使 黃連為中使 地榆為下

使

千里漿一名水葫蘆

木瓜

紫蘇葉

官桂

各半兩

烏梅肉

發背聖元戎

赤茯苓 各一兩

右為細末煉蜜為丸如彈子大噙化一丸嚥津

又方

百藥煎 烏梅肉 紫蘇葉 人參

甘草 麥門冬

右各等分為細末煉蜜丸噙化

荔枝湯

烏梅肉 甘草 各一兩 百藥煎 一兩 白芷 半兩

白檀 三錢

右為細末湯點

蜜酒

好蜜 水一碗 細麴 一斤 好乾酵 三兩

右先熬蜜水去花沫令絕冷下麴酵每日三攪三

日熟

陽明證 葛根湯三方升麻湯大小青龍等湯在後保命集內承氣湯三方亦在

易老門冬飲于治老弱虛人大渴

人參 枸杞 白茯苓 各三錢 甘草

五味子 麥門冬 去心各半兩

右為麴末生薑水煎

麥門冬湯治勞復欲死人氣欲絕者用之有效

聖濟總錄元戎

麥門冬一冊

甘草二兩

粳米半合

右門冬去心為細末水二盞煎粳米令熟去米約湯一小盞半入藥五錢七棗二枚去核新竹葉十五片同煎至一大盞去滓大溫服不能服者綿滴口中後人治小兒不能灌注者宜用此綿滴法此方不用石膏以其三焦無大熱也兼自欲死之人陽氣將絕者故不用石膏若加人參大妙海藏五飲湯一留飲心下二澣飲脇下三痰飲胃中四溢飲膈上五流飲腸間凡此五飲酒後傷寒飲冷過多故有此疾

旋覆花

人參

陳皮

枳實

白朮

茯苓

厚朴

半夏

澤瀉

猪苓

前胡

桂心

芍藥

甘草

右等分剉每兩分四服水二盞生薑十片同煎至七分取清溫飲無時忌食肉生冷滋味等物因酒有飲加葛根花縮砂仁海藏已寒丸此丸不借上陽生於下治陰證服四逆輩胃中發燥而渴者或數日大便秘小便澀赤服此丸上不躁大小便自利

肉桂

茯苓

各半兩

良薑

烏頭

炮各七錢

附子炮

乾薑

炮

芍藥

茴香

炒各一兩

右等分爲細末糊爲丸桐子大温酒下空腹食前五七十九八九十九亦得酒醋爲糊俱可

婦人血風證因大脫血崩漏或前後血因而枯燥其熱不除循衣撮空摸牀閉目不省擲手揚視搖動不寧錯語失神脈弦浮而虛內燥熱之極也氣麓鼻乾而不潤上下通燥此爲難治宜

生地黄黃連湯主之

川芎

生地黄

當歸

各七錢

赤芍藥

梔子

黃連

黃芩

各二錢

防風

兩

右爲麤末每服三錢水二盞煎至七分取清飲無時徐徐與之 若脈實者加大黃下之

大承氣湯氣藥也自外而之內者用之 生地黄

黃連湯血藥也自內而之外者用之氣血合病循

衣撮空證同 自氣而之血血而復之氣大承氣

湯下之自血而之氣氣而復之血地黄黃連湯主

之也二者俱不大便

增損理中丸王朝奉云大小陷胃湯丸不愈者宜與之

人參

白朮

括蕒

牡礪

各二兩

甘草

炒三兩

乾薑

炮一兩半

枳實

炮二十

四箇

黃芩

去枯一兩

右爲細末煉蜜爲丸如彈子大湯盞煎服不歇復與之不過五六胃中豁然矣用藥神速未嘗見也渴者加括蕒根汗者加牡礪

少陽證

大小柴胡湯加減在前附子柴胡五方在後保命集內

易簡參蘇飲治感冒發熱頭痛與因痰飲凝積發而爲熱並宜服之若感冒發熱亦如服養胃湯法連進數服微汗卽愈大治中脘痞悶嘔逆惡心開胃

進食小兒室女尤宜服之

前胡

人參

紫蘇

乾葛

半夏

茯苓

加二分

枳殼

陳皮

甘草

桔梗

木香

各半兩

石咬咀每服四錢水一盞半生薑七片棗一枚煎至六分去滓不以時候素有痰飲者俟退熱以二陳湯或六君子湯間服若男子婦人虛勞發熱或吐衄下血過多致虛熱者用此藥三兩加西物湯二兩合和名茯苓補心湯

活人治婦人傷寒妊娠服藥例

右發熱惡寒者不離桂枝芍藥 若往來寒熱者
不離柴胡前胡 若大渴者不離知母石膏五味
子麥門冬 若大便泄者不離桂附白朮乾薑
若大便燥結者不離大黃黃芩 若經水適來適
去斷者不離小柴胡 若安胎者不離人參阿膠
白朮黃芩 若發汗者不離葱豉生薑麻黃旋覆
若頭痛者不離前胡石膏梔子 若傷暑頭痛
者不離柴胡石膏甘草 若滿悶者不離枳實陳
皮 若胎氣不安者不離黃芩麥門冬人參 若
癰發黑者不離黃芩梔子升麻

痲紫苑丸

療臍腹久患疝瘕如碗大及諸黃病每地氣起時
上氣衝心遶臍絞痛一切虫咬十種水病十種蠱
病及胃吐食嘔逆惡心飲食不消天行時病婦人
多年月露不通或腹如懷孕多血天陰卽發又治
十二種風頑痺不知年歲晝夜不安夢與鬼交頭
白多屑或哭或笑如鬼魅所着腹中生瘡腹痛服
之皆效

紫苑 去苗

吳茱萸 湯洗七次焙乾

萹蒲

柴胡 去鬚

厚朴 薑製去蘆

茯苓 去皮

皂莢 去皮子

桂枝 乾薑 炮

黃連 去鬚 蜀椒 去目及閉口

巴豆 去皮膜 出油研

人參 去蘆各半兩 川烏 去皮皮 臍二錢

加羗活 獨活 防風 各半兩

右為細末入巴豆勻煉蜜為丸如桐子大每服三
丸漸加至五七丸生薑湯送下食後臨藥初有孕
者不宜服其引干後

痔漏腸風酒下 赤白痢訶子湯下 膿血痢米
飲湯下 墮傷血悶四肢不收酒下 蛔虫咬心
檳榔湯下 氣噎憂噎荷葉湯下 打撲傷損酒

下 中毒毒灰甘草湯下 一切風升麻湯下

寸白虫檳榔湯下 霍亂乾薑湯下 欬嗽杏仁

湯下 腰腎痛豆淋湯下 陰毒傷寒溫酒下

吐逆生薑湯下 食飲氣塊麩湯下 時氣并花

水下 脾風陳皮湯下 頭痛水下 心痛溫酒

下 大小便不通燈草湯下 因物所傷以本物

湯下 吐水藥湯下 氣病乾薑湯下 小兒天

風帛搐防風湯下防已亦可 小兒疳痢葱白湯

下 小兒乳食傷白湯下 月信不通煎紅花酒

下 婦人腹痛川芎湯下 懷孕半年後胎漏艾

湯下 有子氣衝心酒下 產暈痛溫酒下 血

氣痛當歸酒下 產後心腹脹滿荳淋湯下 難

產益志湯下 產後血痢當歸湯下 赤白帶下

酒煎艾湯下 解內外傷寒粥飲下 室女血氣

不通酒下 子死菜子湯下 又治小兒驚癇大

人癲狂一切風及無孕婦人身上頑麻狀如虫行

四肢俱腫呻吟等疾

大陰證 胎前月三方瀉心五方在後保命集內

理中湯加減例

若為寒氣濕氣所中者加附子一兩冬附子理中

湯 若霍亂吐瀉者加橘紅青橘各一兩名治中

湯 若乾霍亂心腹作痛先以鹽湯少許頓服候

吐出令透即進此藥 若嘔吐者於治中湯內加

丁香半夏一兩每服生薑十片同煎 若泄瀉者

加橘紅茯苓各一兩名補中湯 若澹泄不已者

於補中湯內加附子一兩不喜飲水穀不化者再

加縮砂仁一兩共成八味 若霍亂吐下心腹作

痛手足逆冷於本方中去白朮加熟附名四順湯

若傷寒結胃先以桔梗枳殼等分煎服不愈者

及諸吐利後胃痞欲絕心高起急痛手不可近

者加枳實茯苓各一兩名枳實理中湯若渴者
再於枳實理中湯內加括蕒根一兩若霍亂後
轉筋者理中湯內加火煨石膏一兩若臍上築
者腎氣動也去朮加官桂一兩半腎惡燥故去朮
恐作奔豚故加官桂若悸多者加茯苓一兩
若渴欲飲水者添加朮半兩若苦寒者添加乾
薑半兩若腹滿者去白朮加附子一兩若飲
酒過多及啖炙煨熱食發爲鼻衄加川芎一兩
若傷胃吐血以此藥能理中脫分利陰陽安定血
脈只用本方若中附子毒者亦用本方或止用

甘草乾薑等分煎服仍以烏菴煎湯解之

平胃散加減例

若瀉脾濕加茯苓丁香白朮爲調胃散一法加霍
香半夏若加乾薑爲厚朴湯若溫疫時氣二
毒傷寒頭痛壯熱加連鬚葱白五寸豈豉三十粒
煎三二服微汗出愈若五勞七傷脚手心熱煩
躁不安百節酸疼加柴胡若痰嗽瘧疾加薑製
半夏若本藏氣痛加茴香若水氣衝滿加桑
白皮若婦人赤白帶下加黃耆若酒傷加丁
香若飲冷傷食加高良姜若滑脫泄瀉加肉

荳蔻 若風痰四肢沉困加荆芥 若腿膝冷痛
 加牛膝 若渾身虛壅拘急加地皮骨 若腿膝
 濕痺加鬼絲子 若白痢加吳茱萸 若赤痢加
 黃連 若頭風加藁本 若轉筋霍亂加楠木皮
 若七邪六極耳鳴夢洩盜汗四肢沉重腿膝酸
 痿婦人宮藏久冷月脈不調者加肉桂 若胃寒
 嘔吐多加生薑 一法加茯苓丁香各三兩共成
 六味 若氣不舒快中脘痞塞加縮砂仁香附子
 各三兩生薑煎服 若與五苓散相半為針金飲
 子 若與六一散相合為黃白散 若與錢氏異

功散相合為調胃散 若欲進食加神麩麥
 菜萸蜀椒乾薑桂為吳茱萸湯 若加藁本桔梗
 為和解散治傷寒吐利 若加藿香半夏為不換
 金正氣散 若瘧疾寒熱者加柴胡 若小腸氣
 痛者加苦練茴香
 少陰證 真武回逆等湯在活人姜
附方七道在保命集內
 八物定志丸補益心神安定魂魄治痰去胃中邪熱
 理肺腎

- 人參 一兩 菖蒲
- 遠志 去心 茯苓 去心
- 茯苓 去皮各一兩 朱砂 錢一 白朮

麥門冬

去心各半兩

牛黃

二錢另細研

右為細末煉蜜丸桐子大米飲湯下三十九無時

若髓竭不足加 生地黄 當歸

若肺氣不足加 天門冬 麥門冬 五味子

若心氣不足加 上黨參 茯神 菖蒲

若脾氣不足加 白朮 白芍藥 益志

若肝氣不足加 天麻 川芎

若腎氣不足加 熟地黄 遠志 牡丹皮

若膽氣不足加 細辛 酸棗仁 地榆

若神昏不足加 朱砂 預知子 茯神

仲景八味丸

熟地黄補腎水真血 肉桂補腎水真火

牡丹皮補神志不足 附子能行諸經而不止

兼益火 白茯苓能伐腎邪濕滯 澤瀉去胞

中留垢及遺溺 山茱萸治精滑不禁 乾山

藥能治皮毛中燥酸澀

右八味皆君主之藥 若不依易老加減服之終

不得效若加五味子為腎氣丸迹類象形之劑也

益火之源以消陰翳壯水之主以制陽光錢氏地

黃丸減桂附

潔古老人天麻丸治證見活法機要

天麻 六兩酒浸三日焙乾秤 除風痺

牛膝 六兩酒浸三日焙乾秤 強筋 玄參 六兩 樞機管領

葶藶 六兩另為末 壯骨 杜仲 七兩對炒去絲 使筋骨

相着 當歸 十兩全用 和養血

羌活 十兩或十五兩 去骨節間風 生地黄 一斤 益真血

附子 一兩 行諸經不止 獨活 五兩 去腎間風邪

右為細末煉蜜為丸如桐子大每服五七十九病

大至百丸空心食前溫酒白湯下服藥忌壅塞宜

於通利故服半月稍覺壅塞微以七宣丸輕疎之

便藥再為用也

大效牡丹皮散

治血藏虛風及頭目不利不思飲食手足煩熱肢

節拘急疼痛胃膈不利大腸不調陰陽相干心驚

忪悸或時旋運

牡丹皮 川芎 枳殼 煨炒各一兩

陳皮 炙 玄胡 甘草 羌活

半夏 湯洗 三稜 炮 乾薑 炮 肉桂 各半兩

木香 訶子肉 白木 炒各三分 芍藥 二錢

當歸 一兩半

右爲細末每服二錢水一盞半煎五七沸食前溫服益血海退血風勞攻注消寒痰實脾胃理血氣攻刺及氣虛惡寒潮熱證至妙

海藏大五補丸同三才丸例
天門冬 麥門冬 菖蒲 茯苓

人參 益智 枸杞 地骨皮

遠志 熟地黃

右爲末煉蜜爲丸如桐子大空心酒下二十丸本方數服以七宣丸泄之

清心丸治熱

黃蘗 二兩 天門冬 一兩 黃連 半兩 龍腦 一錢

麥門冬 一兩 去心

右爲細末煉蜜充桐子大每服十丸臨卧門冬酒下薄荷湯亦得

火府丹丙丁俱瀉

黃芩 一兩 黃連 一兩 生地黃 二兩 木通 三兩

右爲細末煉蜜丸桐子大每服二三十九丸溫水下

臨卧

海藏調胃白木澤瀉散治痰病化爲水氣傳變水鼓不能食

白朮

澤瀉

芍藥

陳皮

茯苓

生薑

木香

檳榔

右爲末一法加白朮本藥各半治腹臍上腫如神
若心下痞者加枳實 若下盛者加牽牛

厥陰證

當歸四逆并加吳茱萸黃等湯見陰證畧例

四物湯益榮衛滋氣血月水不調臍腹痞痛等證並

見局方

熟地黄

補血如臍下痛非此不能除乃通於腎經之藥也

川芎

治風泄肝木也如血虛頭痛非此不能除乃通肝經之藥也

芍藥

和血理脾如腹中虛痛非此不能除乃通脾經之藥也

當歸

和血如血刺痛非此不能除刺如刀刺乃通腎經之藥也

右爲麤末水煎 加減于後

若加地骨皮牡丹皮治婦人骨蒸

若妊娠胎動不安下血不止者加艾十葉阿膠一

片又加葱白黃耆

若血藏虛冷崩中去血過多亦加膠艾

若婦人嘗服春倍川芎 脈弦頭痛 夏倍芍藥

脈洪飧泄 秋倍地黄 脈沉清血虛 冬倍

當歸 脈沉寒而不食

若春則防風四物加防風倍川芎

若夏則黃芩四物加黃芩倍芍藥

若秋則門冬四物加天門冬倍地黃

若冬則桂枝四物加桂枝倍當歸

若血虛而腹痛微汗而惡風四物湯加茂桂謂之

腹痛六合

若風眩暈加秦艽羌活謂之風六合

若氣虛弱起則無力羸然而倒加厚朴陳皮謂之

氣六合

若發熱而煩不能睡計者加黃連梔子謂之熱六

合

若虛寒脈微自汗氣難布息清便自調加乾薑附

子謂之寒六合

若中濕身沉重無力身涼微汗加白朮茯苓謂之

濕六合

若產後虛勞日久而脈浮疾宜

柴胡四物湯

川芎

熟地黃

當歸

芍藥

各一兩半

加柴胡

八錢

人參

黃芩

甘草

半夏

各三錢

水煎服

若婦人筋骨肢節痛及頭痛脈弦增寒如瘧宜治

風六合

四物湯四兩 防風 羌活各一兩

若血氣上衝心腹肋下滿悶宜治氣六合

四物湯四兩 木香 檳榔各一兩

若臍下虛冷腹痛及腰脊間悶痛宜玄胡六合小腹痛者

痛者

四物湯四兩 玄胡 苦練各一兩 碎炒焦

若氣充經脈故月事頻併臍下多痛宜芍藥六合

四物湯四兩 芍藥一兩

若經事欲行臍腹絞痛臨經痛者血澁也宜

八物湯

四物湯四兩 玄胡 苦練碎炒 檳榔

木香各一兩

若經水過多別無餘證宜黃芩六合

四物湯四兩 黃芩 白朮各一兩

若經水澀少宜四物內加葵花煎又加紅花 血見愁

若虛勞氣弱欬嗽喘滿宜厚朴六合

四物湯四兩 厚朴姜製 一兩 枳實炒 半兩

若經水暴下加黃芩一兩 若腹痛者加黃連如

夏月不去黃芩 若經水如黑豉汁者加黃芩黃

連各一兩 若經水少而色和者四物湯加熟地黃當歸各一兩 若經水適來適斷或有往來寒熱者先服小柴胡湯以去其寒熱後以四物湯和之 若婦人血積者四物湯內加

廣茂 京三稜 桂枝 乾漆各一兩

若婦人傷寒汗下後飲食減少血虛者宜

八物湯

四物湯四兩黃耆 甘草 茯苓

白朮各一兩

若妊娠傷寒中風表虛自汗頭痛項強身熱惡寒

脈浮而弱大陽經病宜表虛六合湯

四物湯四兩桂枝 地骨皮各七錢

若妊娠傷寒頭痛身熱無汗脈浮緊大陽經病宜

表實六合湯

四物湯四兩麻黃 細辛各半兩

若妊娠傷寒中風濕之氣肢節煩疼脈浮而熱頭

痛宜風濕六合湯大陽標病也

四物湯四兩防風 蒼朮製各七錢

若妊娠傷寒下後過經不愈溫毒發癍如錦文宜

升麻六合湯

四物湯四兩升麻

連翹各七錢

若妊娠傷寒胃脇滿痛而脈弦少陽也宜柴胡六合湯

四物湯四兩柴胡

黃芩各七錢

若妊娠傷寒大便硬小便赤氣滿而脈沉數陽明大陽本病也急下之宜大黃六合湯

四物湯四兩大黃

桃仁十箇尖熱炒

若妊娠傷寒汗下後欬不止者宜人參六合湯

四物湯四兩人參

五味子各五錢

若婦人妊娠傷寒汗下後虛痞脹滿者陽明本虛

也宜厚朴六合湯

四物湯四兩厚朴

枳實各半兩

若妊娠傷寒汗下後不得眠者宜梔子六合湯

四物湯四兩梔子

黃芩各半兩

若妊娠傷寒身熱大渴蒸蒸而煩脈長而大者宜石膏六合湯

四物湯四兩石膏

知母各半兩

若妊娠傷寒小便不利大湯本病宜茯苓六合湯

四物湯四兩茯苓

澤瀉各半兩

若妊娠傷寒大陽本病小便赤如血狀者宜琥珀

六合湯

四物湯四兩琥珀

茯苓各半兩

若妊娠傷寒汗下後血漏不止胎氣損者宜膠艾六合湯

四物湯四兩阿膠

者

艾各半兩一方加甘草同

若妊娠傷寒四肢拘急身涼微汗腹中痛脈沉而

遲少陰病也宜附子六合湯

四物湯四兩附子炮去皮臍肉桂各半兩

若赤白帶下宜香桂六合湯

四物湯四兩肉桂

香附子各半兩

若妊娠傷寒畜血證不宜墮胎藥下之宜四物大黃湯下

四物湯 生地黄 酒浸大黃

若虛熱病四物與參蘇飲相合名補心湯主之

若四肢腫痛不能舉動四物蒼朮各半湯王之

若治燥結四物與調胃承氣湯各半為玉燭散

若流濕潤燥宜四物理中各半湯

若保胎氣令人有子四物與縮砂四君子湯各半

名八珍湯

若熱與血相搏口舌乾渴飲水加

括蕒 麥門冬

若腹中刺痛惡物不下加

當歸 芍藥

若血崩者加

生地黃 蒲黃 黃芩

若頭昏項強者加

柴胡 黃芩

若因熱生風者加

川芎 柴胡 防風

若藏秘澀者加

大黃 桃仁

若滑瀉者加

官桂 附子

若嘔者加

白朮 人參 生薑

若大渴者加

知母 石膏

若發寒熱者加

乾生薑 牡丹皮 芍藥 柴胡

若水停心下微吐逆者加

豬苓

茯苓

防已

若虛寒似傷寒者加

人參

柴胡

防風

若產婦諸證各隨六經以四物與仲景藥各半服之其效如神

若婦人或因傷酒或因產亡血或虛勞五心煩熱者宜四物二連湯

四物湯

內生用
地黃

黃連

明黃連
真者

溫飲清汁

四物與桂枝麻黃白虎柴胡理中四逆茱萸湯

涼膈等皆可作各半湯此易老用藥大略也

若虛煩不得睡加

竹葉

人參

若婦人血虛心腹疴痛不可忍者去地黃加乾薑

名四神湯

若諸痛有濕者四物與白朮相半加

天麻

茯苓

川山甲

酒煎

若目赤暴發作雲翳疼痛不可忍宜

四物龍膽湯

四物

各半

羌活

防風

各二錢

草龍膽

防已各二錢水煎

海藏云婦人妊娠畜血

婦人妊娠或畜血 抵當桃仁勿妄施

要教子母俱無損 大黃四物對服之

海藏當歸丸治三陰受邪心膈少三腹疔痛氣風等

證

四物湯各半兩

防風 獨活

全蝎各半兩 茴香炒

續斷各兩 苦練

玄胡各七錢 木香 丁香各二錢半

右為細末酒糊丸桐子大空心溫酒下三五十九

六效

苦練丸治奔豚小腹痛神效

川苦練 茴香 附子一兩炮去皮臍

右三味酒二升煮盡為度焙乾細末之每秤藥末

一兩入玄胡半兩全蝎十八箇炒丁香十八箇別

為末和勻酒糊丸桐子大溫酒下五十九空心痛

甚加當歸煎酒下

治喉閉遠巡不救方

皂莢去皮子生半兩為細末篩頭點少許在痛處更以醋糊調藥末厚塗項上須臾便破

血出 立差

拯濟換骨丹 海云自汗者不宜服 歌曰

槐皮芎朮芷 仙人防首蔓 十味各停勻

苦味香減半 龍麝即少許 朱砂作衣纏

麻黃膏煎丸 大小如指彈

右治半身不遂口眼喎斜手足不仁言語蹇澀或
痛人骨髓或痺襲皮膚或中急風涎潮不言精神
昏塞行步艱難筋脈拘急左癱右瘓一切風疾並
皆治之

槐莢子生 人參 桑白皮 蒼朮

川芎 何首烏 蔓荊子 葳靈仙

防風各二兩 五味子 香附子 苦參各二兩

香白芷二兩 麝香一分

右一十四味為細末入香令勻又用麻黃十斤去
節根用大河水三石三斗熬至六斗濾過去滓再
熬至二升半入銀石器內熬成膏入前藥末和勻
杵三五千下每一兩作十丸朱砂為衣每服一丸
先搗碎酒一盞自晨浸至晚食後臨卧攪勻服之
神清無睡是藥之驗須更隔五日服之如中風無
汗宜服若體虛自汗服之是重亡津液也若風盛
人於密室溫卧取汗

三焦熱用藥大例 方在元戎

上焦

清神散

連翹防風湯

涼膈散

龍腦飲子

犀角地黄湯

中焦

小承氣湯

調胃承氣湯

洗心散

四順清涼飲

桃仁承氣湯

下焦

大承氣湯

五苓散

八正散

石菖散

抵當湯丸

柴胡飲子

清涼飲子

氣分熱

血分熱

白虎湯

桃仁承氣湯

三黃丸

通治大熱

黃連解毒湯

三焦寒用藥大例 方在衛生

上焦

桂附丸

鐵刷湯

胡椒理中丸

醫聖元戎

三十一

中焦

一氣丸

附子理中丸 大建中

下焦

還少丹

八味丸

大真丹

桂枝加附子湯

巴戟丸

氣分寒

桂枝加芍藥

血分寒

人參新加湯

神珠丹

大已寒丸

通治大寒

四逆湯

右此內有寒熱之大略也右外有寒熱者當別
法

發痲諸藥

葛根橘皮湯痲在肌

治傷寒暴發肌中痲爛欬而心悶但嘔清汁宜此

葛根

橘皮

杏仁

知母

黃芩

麻黃

甘草

右等分剉每用五錢水煎

陽毒升麻湯痲在面

治傷寒一二日或吐下後變成陽毒痲青痛煩悶

升麻元戎

三十一

不安面赤狂言見鬼下痢脈浮大數咽喉痛下膿
血五日可治七日難愈

升麻兩半 犀角 射干 黃芩

人參 甘草各二錢半

右咬咀水三升煎取半飲一盞刻許再服溫覆手足汗出解否則重作

陽毒玄參升麻湯癰在身

治汗下吐後毒不散表虛重實熱發於外甚則煩燥讖語兼治喉痺腫痛

玄參 升麻 甘草各半

右細劉水煎

陽毒梔子湯少陽陽明合病

治陽毒傷寒壯熱百節疼痛

升麻 梔子仁 黃芩 芍藥

石膏 知母 甘草 杏仁

柴胡

右麤末五錢生薑五片豉百粒水煎

消毒犀角飲子治癰

牛蒡子六兩 荆芥三兩 防風三兩 甘草一兩

水煎服

陰毒升麻鱉甲湯陰症

大建中湯尤妙

升麻三兩

當歸

甘草二兩

蜀椒一斤

鱉甲多

雄黃半兩

右為末每服半兩水煎

蒸病 治者宜隨各經虛實內外淺深用藥加減可也

古今錄驗五蒸湯

甘草一兩

茯苓三兩

人參二兩

竹葉二兩

乾地黄

葛根各兩

知母

黃芩各二兩

石膏

五兩粳米二合

右十味咬咀以水九升煮取二升半分為三服亦可以先煮小麥水乃煮藥 忌海藻菘菜蕪荑大

醋

實熱

黃芩

黃連

黃蘗

大黃

虛熱

氣也

烏梅

秦艽

柴胡

血也

青蒿

鱉甲

蛤蚧

小麥

牡丹皮

肺鼻乾

烏梅

天門冬

麥門冬

醫方元戎

三十四

紫苑

皮 舌白 唾血

膚 昏昧 嗜睡

氣 通身氣熱 喘促鼻乾

大腸 鼻右孔 乾痛

脈 腫白 語脈絡 溢脈緩急不調

心 舌乾

血 髮焦

童子小便

小腸 下唇焦

赤茯苓 木通

生地黃

石膏

桑白皮

牡丹皮

黃芩

梔子

大黃

芒硝

生地黃

當歸

黃連

生地黃

地黃

當歸

桂心

芍藥

木瓜

苦參

肉 食無味而嘔 煩燥不安

芍藥

胃 舌下

石膏

粳米

大黃

芒硝

葛根

肝 黑

川芎

當歸

前胡

筋 甲焦

川芎

當歸

膽 眼白 失色

柴胡

括蕒

三焦 乍熱 乍寒

石膏

竹葉

腎 兩耳焦

生地黃

石膏

知母

寒水石

腦頭眩

地黃

防風

羌活

髓中熱

天門冬

當歸

地黃

骨齒黑腰痛足逆變瘡食減

鱉甲

地骨皮

牡丹皮

當歸

生地黄

肉肢細跌腫

石膏

黃蘗

胞赤黃

澤瀉

茯苓

生地黄

沉香

滑石

膀胱左耳

澤瀉

茯苓

滑石

凡此諸蒸皆熱病後食肉油膩房酒犯之而成久蒸不除變成瘡病即死矣

葛根散治陽毒身熱如火頭痛躁渴咽喉乾痛

葛根剉十錢半

大黃醋炒

甘草

山梔子仁

朴硝各半兩

右為末水煎

活人敗毒散大陽證 治傷風溫疫風溫風眩風痰

痺溫

羌活

獨活

前胡

柴胡

枳殼

人參

茯苓

桔梗

甘草

川芎分兩隨病加減

右細末生薑水煎或沸湯點亦可大人小兒皆宜

瘴烟之地温疫時行或人多風痰或處卑濕脚氣
此藥不可闕一方少加薄荷同煎

二陽頭痛

羌活

防風

荆芥

升麻

葛根

白芷

柴胡

川芎

芍藥

細辛

葱白連鬚

分兩旋加

若陰證頭痛只用温中藥足矣乃理中薑附之類也

發黃兼諸雜證

治法在前難知內附治法在後陰證各例

陰黃

小便不利煩燥而渴

加茯苓猪苓滑石當歸

官桂

煩燥喘嘔不渴

加陳皮白朮半夏生薑

茯苓

四肢遍身冷者

加附子甘草

茵陳蒿湯加減

肢體逆冷腰上自汗

加附子乾薑甘草

身冷汗不止者

加附子乾薑

前藥未已脈尚伏

加吳茱萸附子乾薑木

通當歸

韓氏立名為茵陳茯苓湯

茵陳橘皮湯

小茵陳湯 茵陳四逆湯 茵陳附子湯

茵陳茺莢湯 大抵只是仲景陰證藥內加茵

陳也用者要當識之

掌中金丸治婦人乾血氣

川山甲炮 甘草 苦丁香 川椒

苦葶藶 白附子 草烏頭 猪牙皂角各二錢

巴豆一錢全用研

右通為細末生葱絞汁和丸彈子大每用一九新綿包定內陰中一日即白二日即赤三日即血神效

龍腦雞蘇丸 上焦熱

除煩解勞去肺熱欬衄心熱驚悸脾胃熱口甘吐血肝膽熱泣出口苦腎熱神志不定上而酒毒扇熱消渴下而血滯五淋血崩等疾

薄荷一斤 麥門冬去心一兩 甘草一兩半

生乾地黃六兩各為末 黃耆 新蒲黃

阿膠炒 黃連 人參 木通各一兩

柴胡二兩判同木通沸湯半升浸一日夜絞取汁

右為細末好蜜二斤先煉一二沸然後下生地黃末不住手攪時加木通柴胡汁浸熬成膏勿令火

緊焦了然後將前藥末和丸如豌豆大每服二十丸白湯下

虛勞煩熱梔子湯下 肺熱黃芩湯下 心熱悸

動恍惚人參湯下 唾咯吐衄四血去心麥門冬

湯下 脾胃熱赤芍藥生甘草湯下 肝熱防風

湯下 腎熱黃柏湯下 治五淋及婦人漏下車

煎子湯下 痰嗽者生薑湯下 莖中痛者蒲黃

滑石末一錢調下 氣逆者橘皮湯下 室女虛

勞寒熱潮作煎柴胡人參湯下 已上並食後臨

卧服

黃耆膏子煎丸治證同前

人參

白朮

各一兩半

柴胡

黃芩

各一兩

白芷

知母

甘草

炙各半兩

鱉甲

一筒半手大者酥炙

右為細末黃耆膏子丸桐子大每服三五十九百

沸湯下空心右用黃耆者半斤龜末水二斗熬一斗

去滓再熬令不住攪成膏至半斤入白蜜一兩錫

一兩再熬令蜜錫熟得膏十兩放令丸藥

地骨皮枳殼散治骨蒸壯熱肌肉消瘦少力多困夜

多盜汗

地骨皮

秦艽

柴胡

枳殼

知母

當歸

鱉甲

醋炙黃

右等分爲末水一盞桃柳枝頭各七箇薑三片烏梅一箇每服去滓臨卧

易簡芎歸湯治一切去血過多眩暈悶絕傷胎去血產後去血崩中去血拔牙去血金瘡去血不止者舉頭欲倒悉能治之

芎藭

當歸

各等分

右咬咀水煎熱服

若產後眩暈加芍藥 產後腹疼不可忍加官桂酒重便合煎 娠娠子死或不死胎動酒水合煎

卽下未死者卽安

若虛損腹痛少氣頭眩自汗

每服加羊肉一兩生薑十片水煎 若臨月服之

則縮胎易產 若室女婦人心腹疴痛經脈不調

水煎服 若娠娠胎氣不安產後諸疾酒煎服

若難生倒橫子死腹中先用黑豈一大合炒熟水

與小便合煎服 若難產用百草霜香白芷等分

童子小便好醋各一合沸湯浸服甚者再服已分

娩矣 若腸風藏毒每服加槐花末半錢三日取

下血塊卽愈 若吐血亦宜服此 若血氣上喘

下腫空心煎艾湯調下 若產後惡血注心迷悶

喘急腹痛依前用黑薑加生薑自然汁煎服 若
產後頭痛加荆芥 若崩中漏下失血不止加香
附子炒每兩入甘草一錢沸湯點服 若有白帶
者加芍藥半兩乾薑等分米飲調下

三奇六神麴法

白虎白麴一百斤 青龍青蒿自然汁三升

勾陳蒼耳汁二升 騰蛇野蓼子汁四升

玄武杏仁四升 去皮尖看麴

朱雀赤小豆三升 煮軟去湯

一處拌勻稍乾為妙用大盆覆一宿一伏

宜日踏極實為度甲寅庚寅庚寅乃三奇也以
如麴法

千金種子法進火之時當至陰節間而止不爾則過
一宮矣予問故師曰深則少陰之分肅殺之方何
以生化淺則厥陰之分融和之方故能發生所以
受胎之處在淺而不在深也非月經後腎不可用
事惟經後一日男二日女三日男此之外皆不成
胎大風大雨大寒大暑陰晦日月蝕皆不可交接
所生男女痴聾瘖瘂四體不完矣

搐鼻香治子宮久冷赤白帶下

牡蠣煨

紫稍花

韶眈

母丁香

黃狗頭骨

煨

蛇牀子

破故布

桂心久等

右為細末煉蜜丸如鷄頭大臨事用一粒

藏癰論英

新安 吳勉學 校

瘡疹標本

昔睦親宮十太尉病瘡疹衆醫治之王曰疹未出屬何臟腑一醫言胃氣熱一醫言傷寒不退一醫言在母腹中有毒錢氏曰若言胃氣熱何以乍涼乍熱若言母腹中有毒屬何藏也醫曰在脾胃錢氏曰既在脾胃何以驚悸錢曰夫胎在腹中月至六七則已成形食母穢液入兒五藏食至十月滿胃腕中至生之時口有不潔產母以手拭淨則無疾